


مکملہ ادبی و سیاسی رسالہ

ادبی و سیاسی رسالہ اسبوعیہ در

۳۰ نجی سنہ



۳ رجب شریف ۱۳۲۹

پنجشنبہ

جزو عدد : ۱۰۲

پولتیقه

برفیلوفاک پولتیقه حقنده کی

ملاحظاتی

اینانی بشرک ایلمک پولتیقه سی حیواناته معادل اولمغه چالشمقندن عبارت ایدی . چونکه طبیعت حیواناته ملبوسات ، و ما کولات و مشروبات و مساکن اعطا وابدال ایلشدر .

انسانک بوشیلره عائد مشاغل ابتدائیه سی ماده مشکل و مدّة طولیلدر . سعادت حالی استحصاله و مهالکدن تخلیص کر بیانه فصل موفق اولمی . ایشته عموم بشر بومسئله ایچنده داخلدر . مضرات هر طرفده موجوددر . عناصر آتی وجوده کتیرمک ایچون یکدیگریله مسابقه کیرشمشدر . کره آرضک اقسامندن بر ربئنک قابلیت انباتدن محرومی ، انواع علل و امراض ، بزه دشمن میلیونلره حیوانات ! ایشته بری معیشت ، تحفظ ، تدافع یولنده صرف مساعی به محکوم ایدن مهم و مشکل بر پولتیقه !

هیچ بر آدم حال انفرادده نفسنی مهالکدن محافظه ایده مز . بناء علیه امداد و معاونته محتاجدر . بوندن شو تحقّق ایدیورکه : جمعیت بشر دنیا قدر اسکیدر . بوجمیت بعضاً موجودی چوق و بعضاً دخی موجودی آز اوله رق طانیلشدر . انقلابات ارضیه پک چوق دفعه لر بعض ممالکک عموم انسان و حیوانلرینی محو و مضحل وینه بعض اقالیمک انسان و حیوانلرینی اونسبتده تکثیر و تزئید ایلشدر . بوقانون موازنت حکمیدر .

ابتدا بر انسان یشایه یتلک ایچون محافظه صحتته مساعد بر اقلیمه محتاجدر . آندن ماعدا آج ، چپلاق و سفیل اولدیغندن ، تأمین حیاتیچون طبیعتک بوبالالرینی

برر برر اقحام ایدرك احتیاجاتی سینۀ ارضدن چکوب جبقارمغه علی الدوام صرف
غیرت ایتمک مجبوردر .

انسانلر خلقۀ آریرلر . اپیک بوجکلری و قارنجیلر گبی معیشتنی تدارک
و ذخیرمسنی ادخارده برحس طبعی به مالک دکلدرلر . فقط تقدیر احتیاج خاصهسنی
و محتاج الیهنی استحصال یولده اقحام مشکلات قدرتی حائزدرلر .
انسانلرده یوز نفر ذکورده آنجق بری و بش یوز نفر نساذه آنجق برنفری
مالک ذکاوتدر .

ایسته صنایعک ترقیمی بواسحاب ذکاوتک سایۀ تفکر اتنده حصوله کلش
و صنایعک ترقیمی دخی ابنای بشرک آن بآن تأمین سعادت حالته خدمت ایلشدر .
دوشنلیدرکه انواع صنایعدن مثلاً بر موصلفنی دوشنهرک خزانه ابداعدن ساحۀ
ایجاده کتورمک ایچون نه قدر اعمال فکر ایدلشدر . بوکا سز تصادف اثری
دیه بیلیرمیسکیز . یا بر مصنوع مفیدک مرتبۀ تکامله واصل اولسی ایچون قاج
عصره احتیاج واردر .

ایسته ایلک (پولتیقه) بشرک معرفتی حیوانانه معادل اولمغه باشلامق اولدینی حالده
کیت کیده فطرۀ حائز اولدینی خواص ممتازتی اثباته منجر اولمشدر .

داخلی پولتیقه

داخلی پولتیقه دن مقصد مملکت داخلنده ممکن اولدینی قدر دهها زیاده اقتداره ،
دهها چوق شرف و اعتباره ، دهها زیاده وسائل حضور و حظوظله مالک اولمقدر .
بونلری استحصال ایسه پک چوق پارویه احتیاج کوستریر .

ده موقراسینک (حکومت عوامک) فرمانفرما اولدینی بر مملکتنده بونک حصولی
پک کوچدر . چونکه اوراده هراهل وطن سبی و غیرت ، و استحصال ثروتده
سکا رقیدر . ده موقراسی ، دنیاده آنجق بر مملکت صغیره ده حکمفرما اوله بیلیر .
بعض خفی معاملات تجاریه ایله بر ثروت کلیه تدارک و ادخار ایده بیلیرسکیز . لکن

ده موقراسینک حکم سوردیکی بر مملکتده صورت استحصالی حقنده حساب ویرمدیکک بر ثروتدن طولانی سکا پک چوق رقیلر ، حسودلر ظهور ایدر .
 برعائله ، حاصل ایندیکی بر ثروت کلیه سایه‌سندده او مملکتده انفاذ حکمه فرصتیاب اولمش اولسه بیلله بو حکومتی پک آرزمان صکره زواله منجر اولور .
 آریستوقراسینک (اعلینک) حکمفرما اولدینی بر حکومتده انسان ، اقتدار ، شرف ، پاره ، اعتبار اکنجه گبی وسائل معاشرته سهولتله دسترس اوله بیلیر . لکن بونلره مالک اولدقدن صکره غایت مدبرانه حرکت لازمدر . چونکه الده بولنسان اقتدار سوء استعمال اولنه‌جق اولورسه سنک استحصال ایندیکک امتیازات وسامانی اموال عمومیه‌دن استراق ایندیکک حکم ایدن اوج بش یوز آج ، یاخود اوج بش یوز حریص ثروت ، دغدغه فرمای اختلال اولور . سنی‌ده مملکتی‌ده زیر وزبر ایدم‌جک بلالر ایقاع ایدر .

ده موقراسیده کافه اولاد وطن یکدیگرینه مساویدر . بونک ایچوندرکه حکومت عامه هر نه قدر موافق حکمت وطبیعت ایهده بوکونکی کونده اسویمچردهن ماعدایرلرده امثاله تصادف اولنه‌ماقدده در .
 آریستوقراسیده عدم مساوات دائماً محسوسدر . لکن بونده حکومت نه قدر مدبرانه حرکت ایدرسه گرک کندی دوامی و گرک طبقات ناسک رفاهنی اونسبتده تأمین ایدر .

کلمه مستبدانه اداره اولنان حکومتلره :
 افعالنده مستقل اولان حکومتلرک کافه‌سندده بالهوم اهالی شخص واحدک نفع و حظنی اتمام ایچون چالیشیر . بویله بر حکومتک باشنده بولنان شخص مملکتی مالکانه ، خلقی کنسیدیسی ایچون خلق اولنمش خدمتکارلردن عبارت عد ایدر . خلقک مساعیسی صرف آنک ذوق ، صفا ، راحت و حضورنی یرینه کتیرمکه مصروفدر . خلق چالیشیر . او صرف ایدر . آنک دوام راحت و احتشامی پارمیه منوطدر . پارمنک آردی کسبیلرسه خارجاً و داخلأ بدبختی یوز گوستیریر ، آرز بر زمان

ظرفنده اقتدار ، احتشام ، شرف ، ذوق و راحت منعدم اولور . حتی شخص
 مستبد دخی محافظه موجودیت ایده من .
 بو شخص مالک اقتدار ، یعنی حائز یسار اولدینی مدتیجه اقربا ، قرنا ، وکلا ،
 خدام و کاسه یسانی دخی مالک ثروت و سامان بولنورلر . فقط اومنیع قوریغنه
 باشلا نیجه یواش یواش چکیلهرک شخص مستبدی تک باشنه براقیرلر .

